



- Jon Amil, uns dos creadores da web de siareiros "Xeración Xabarín" denuncia que “por orde da CRTVG e baixo ameaza de emprender acción legais vímonos obrigados a retirar dito web da rede”.

“Para evitar accións legais, a @crtvg obríganos a pechar <http://xabarin.org> e este Twitter, feito por e para fans”. Con esta mensaxe os creadores da web Xeración Xabarín informaban da nova aos siareiros, a través da [súa conta en Twitter](#), este martes 5 de marzo.

Jon Amil, nun comunicado aos medios explica que o proxecto naceu no ano 2007, “Vendo que a TVG maltratava sistematicamente un dos seus programas máis emblemáticos, e que era practicamente imposible encontrar información sobre o Xabarín Club na Internet”. Por iso

Escrito por Redaccion @valminorinfo
Mércores, 06 Marzo 2013 01:15

decidiron crear un espazo “feito por e para fans”, agrega.

Denuncian que aínda despois da renovación total do web da CRTVG, “é imposíbel encontrar nela algunhas informacións básicas. Por exemplo, as instrucións para facerse socio do clube só podían encontrarse no noso web e non no oficial. Tampouco existe unha conta oficial do Xabarín Club no Twitter, sendo a feita por nós a que interactuaba cos fans e informaba das novas relacionadas co clube.”

A web Xeración Xabarín xa está fora de liña, até o de agora accesíbel no enderezo <http://xabarín.org>. “Non foi a Televisión de Galicia, senón os fans, quen mantivo aceso o fenómeno Xabarín estes anos” sinala Jon Amil.

O Departamento de Servizos Xurídicos da CRTVG formaliza o requirimento.

Consultado por Valminor.info, Jon Amil informou que a orde da CRTVG chegou formalmente a través dos Servizos Xurídicos da CRTVG. “ Recibimos un requirimento por correo electrónico, asinado por Martina Puente Nogueira, Letrada do Departamento de Servizos Xurídicos da CRTVG e as súas sociedades”.

Agrega quen nel fala “no nome da CRTVG, dicíndonos que os nomes Xabarín Club, Xeración Xabarín e Xabarín News, así como a imaxe da mascota do Xabarín, son marcas rexistradas que estamos a usar sen o seu consentimento. Indícanos que temos un prazo improrrogábel de 7 días para eliminar a web ou tomarán medidas legais”.

O correo da CRTVG chegou este martes 5, segundo informa Amil. ” Nós limitámonos a

Escrito por Redaccion @valminorinfo
Mércores, 06 Marzo 2013 01:15

eliminar a web e responderlles ao correo dicindo que non entendíamos esa actitude, pero que xa que a marca lles pertence fariamos o que nos dicían”.

Agrega que o motivo que lles deron dende a emisora foi «reproducir ilicitamente e sen consentimento do seu titular» o material referente ao clube."Tamén alegaron que a xente podía interpretar enganadamente que a nosa web pertencía á CRTVG, a pesar de que na mesma había un aviso a pé de páxina, claro e ben visíbel, que dicía o seguinte": «Este web foi creada por un grupo de admiradores do programa de televisión Xabarín Club TVG e non fai parte da CRTVG (Compañía de Radio Televisión de Galicia). Tanto Xabarín Club TVG como o resto de contidos mencionadas e/ou incluídos neste web son marcas rexistradas da CRTVG ou dos respectivos donos. Se non está de acordo con algún contido, escriba un correo-e a xeracion@xabarin.org e habemos de proceder á súa retirada.»